



GIUSEPPE CABIZZOSU

BIBLIOTECA

www.giuseppecabizzosu.it

Gian Giuseppe Contini (Flussio -)

Poesie scelte in lingua sarda



GIUSEPPE CABIZZOSU

BIBLIOTECA

www.giuseppcabizzosu.it

Gian Giuseppe Contini

(Flussio -)

Poesie scelte
in lingua sarda



GIUSEPPE CABIZZOSU

BIBLIOTECA

www.giuseppcabizzosu.it

Gian Giuseppe Contini

(Flussio -)

Valente poeta di Flussio.

A bidda mia

Sempere ti penso o cara idda mia
colada su tempus e a tie deo io,
custa mia ti dedico e iscrio
e tantos ammentos de pizzinnia.

Cara idda deo penso a tie
e sa zente chi lassadu nos'ada
tottu los b'io ballende in s'istrada
po Santu Poltolu o a sa de su Nie.

ballana in tundu a mese intreu
cun sa zente allegra e gioiosa
istradas a Maggiu bildes de cosa
ca a siccare ponian s'isciareu.

Profumadu paisu de custu pianta
in dies assoliadas e pagu entu
e sas comitivas da trinta a chentu
in sos magasinis fudi tanta.

Laore s'incunziada de fae e trigu
e sas binzas funi bene tentas,
oe idda mia tottu cantu istentas
senza cariasa e pagu figu.

Cara idda ispero ancora
de torrare sempere de piusu
mi ponzo s'istrada a puntuinsusu
e lu fatto da Bosa a sa bonora.

Amada idda disizzo assora
de iere sa zente allegra e cuntenta
profumadas domos de rosas o menta
e malaidos chind'essene fora.

Sa vida cara idda a mie masa dadu,
giogos e brullas de custu mundu
cando sa zente balliada in tundu
e su tempus brullende este passadu.

Oe abbaidendedi da Montemaggiore
cara idda no ses cambiada
sempere fatto deo custu istrada
ca in campusantu bi tenzo unu fiore.

Flussio ses tue su meu primu amore
Mancari lontanu mi faghes calore.

Flussio 08/03/2008

Annada 2007

Su inu nou assazzadu occannu
Pagu...no drucche...e buccante.
Medas narana chi este andante
ma a fine serada faghede dannu.

Tue si sese tottu o mes'astemiu
ti cossizzo ande ponnere in laras,
buffalu e asa b'iere bellas caras.
Tiziu ... caiu.... e semproni,
su riccu lu iese andende pedi-pedi,
s'avvocadu mudu e a limba lada,
puru su zegu s'ampulla b'ida l'ada
su dimoni a brazzetta cun su Predi.

S'elettricista a corrente alternada,
su pastore in cravata e iscalzonadu,
difensore de unu mannu avvocadu.
Su passivu chi manna b'ida lada,
sighire cherede custa annada bella
de trans e viados in gabbanella.
Isperada de inu onu....manna tazza,
ca guvernu cherede... pesare razza.

Flussio-Bosa 10 Dic 2007

A sa priorissa

Sena virgola e ne puntu
suerada totta canta.
Sena traggiu e suntu
attontada zente tanta.

Sempere si la cantada
cherede primeggiare,
cando finidi de cantare
si piaghede e si antada.

Poberu predi iscureddu,
chi da susu de s'altare
santos cherede invocare,
po sanare cussu calbeddu.

Hat chie deve de ascoltare,
su populu intreu poberittu.
Leggede male tottu s'iscrittu
e ticchirriada in s'altare

Rughe giughede su predi
cun sa priorissa de ocanu,
la suppoltada tottu s'annu
zega e sulda ma no zedidi.

Frimmadi como de cantare,
tue... priorissa orgogliosa,
ca de t'intendere no ses cosa
sos santos insuldis in s'altare.

Faghes primma a ti cagliare
po su nomene de Gesusu
confusionaria sese in piusu
ite ispetas hat tiche andare?

Ses in pee da sas sese
hat sas'otto finis su sero,
de t'intendere no ispero
ne po annu ne po mese.

Ponedi caminu in pese
lassa hat ateros su clero,
ca legginde su vangelo
no ti sigo inue sese.

A sa vida

Sa vida andada vivida che poesia
La legges, la giras e la intendes
Approfundis sentimentos e cumprendes
Ca camminamos tottu in reta via
Imbezzende legimos ogni poesia
Ca ischidare bene cherimos sas mentes
Sas uglieras sun prontas a s'usu
E sa poesia leggimos sempere de piusu

cun amore e passione
sighimos a leggere sa poesia
e deo po cantu abbarro in custa ia
lu fatto cun vera devozione
imbezzende divento pius mandrone
e chesso calchi olta foravia
tando intro cun megus in lotta
e sa poesia legginde la so totta

pianu pianu bi gherede su accheddu
po camminare a passu seguru
legginde cumprendo Tatari po Casteddu
ca imbezzadu che soe deopuru
fatto ragionare su calbeddu
ma ando sempere insiguru
e camminende in custa fida mia
finida mi este puru sa poesia.

Flussio - Bosa 2005

A sos Poetas Rosa et Concas

Apo sas poesias legidu,
iscusade sa mia intrusione.
Renzo e Zusepe atenzione
in vida medas n'amos bidu.

Deo no connosco Palitone
nemmancu custa trama,
bos cussizo che una mama
lassade istare sa chistione.

Su Sindigu mentuadu
lassadelu vivere in santa paghe
boltulende sezis, unu nuraghe
issu no bos'ada, interpelladu.

Cussa puru de Don Pepone
la connoschene in totue
ca su predi fudi in cue
dende a bois sa comunione.

Issu però, da s'altare
su manzanu avreschinde
narat a fedeles, totu ridinde,
s'ainu ligadu, a che lu leare

e tochendesi sa carena
preigadu ada, in Pianalzesu
deo lu cògo at bustu e chena
no mi giughet, issu a pesu.

Custu predi connosco deo,
mancari nomene l'azis cambiadu,
Sindigu e Assessore est'istadu
b'asadu prima, bos'ada creo.

Domando....ma su poleddu ,
o correntu chi issu sie
fudi su presu, in creja e inie,
po longu b'iazu at Casteddu?

No s'ischidi s'ainu ite fine atfatu
bellu, rassu, ma anzianu.
Po cussu viaggiu no fudi adatu
chest' istadu torradu a Iscanu?

Sa creja piena, po una conca
Bolotana tota, Pianalza e Bosa
da Montiferru profumos de rosa
de Iscanu s'ainu, cun faccia e tonca?

Sighimola goi, a su rie rie
sa vida sos pilos, nos atit in canu
como bois, rispondide a mie,
deo bos'allonghio, un'istrinte manu.

A su bacculu

Bacculu poberitu, isfoltunadu,
Sa cunsorte non lu podet cumbattare
Sos pernos s'ada unfiadu
No bi podet, ne sorre, ne comare.
Naro a Bacculu, poeticu e isfoltunadu,
Calmadi, ca prima o poi in via as'a torrare
Faghene ti cheria una istrada noa
Po ti passizzare da dananti e a coa.

Mi invoco a chie leggede sa pena mia
Una manu, un'azzudu, unu consolu
Ca deo, faghene atteru cheria.
Bacculu, senza alas, podede leare olu
E tue cambiare podes sa poesia,
Ca bacculu este su meu usignolu
Pazzosu, potente e galanu
Nottedie podes tenner, bacculu in manu.

Galanu, pazzosu e potente
Giocundu, poeticu e profundu
Dammi retta e pone in mente
cun bacculu podes girare su mundu
sas americas e s'oriente
gai gia' ti lu giras in tundu
e n'de podes mandigare longu e duru mossu
mancari no giutada, ne pulpa e ne ossu.

Bosa, 30 settembre 2005

A su Poeta Giuseppe Concas

Ciao zusepe iscusa ancora,
legidu apo sa tua in terzina
mancari da idda tua, sia luntanu e fora.

In mes'edade so a dolor'e ischina
Mancari no sia ainu de mola
e no porte in groppa, sacos de farina.

Mi naras chi ando chena sensu ola ola
mentuende Bolotana, Iscanu e Bosa
parede chi deo, no epe fatu iscola.

Si mentuadu apo s'ainu in prosa
no este po faghene su futi futi o criticare
intendere cheria versos tuos e de Rosa.

Chie poi este pigadu in cue a s'altare
de Tinnura fudi, unu ex ruju Sindigone
io chi in presse, as fatu as irmentrigare.

Deo ti parzo, chi epe fatu confusione
o chi no ische de padedda cundire cosa
ma cree, po savorire ponzo finas piberone.

A sa prima missa, andat tottu Alghero-Bosa
no solu Pianarza, ma puru su Montiferru
eco ispiegada a tie, tota cussa, santa cosa.

S'ainu l'ana presu in creja, in fritu ilgerru
su Predi ragliande intrè creja, lada intesu
ma lu assolve, da viaggiu de inferru.

Su contu de su Predi Pianalzesu
este istadu publicadu in su giornale
finta faghes tue de no l'aere mai intesu?

S'ainu s'este imbrutadu in su piazzale
e deo no ti cherzo Concas criticare
no tin'de parzada a tie Poeta, tottu male.

De Tinnura tenides Dottoressa a bos curare
de Tinnura Dott. Sechi po dentes de casciale
cussu Sindigu - Predi no lu pudizis ascoltare?

adiosu como, ispero epas cumpresu
a Renzo e a tie cherzo salutare
da Contini, su brullanu Flussiesu.

Bosa-Flussio 19/09/08

Avvisu a Paesanos

Da unu mese s'attu m'este mancadu
su chi attidu aiada babbu meu,
maschiu, oggi biancu, rassu e no feu
isparire gia' l'ada fattu s'ighinadu.
intradu in sa gabbia intreu-intreu
e b'essidu senza alidu annegadu.
penso e creo in padedda postu susu
ca s'attu no cheste torradu piusu.

Primma idia deo sa sua cazza
fatta de ancas, concas e puma,
ma issu no cheste e tott' induna
puzzones arrivana de ogni razza.
Culumbos b'enini como a truma,
attos no cada chi lis ponene s'azza.
b'attos in s'oltu sempere in trese
vicinu los mandigada in d'unu mese.

Como si... chi soe preoccupadu
columbos arrivana medas a fiottu.
Maladias attini a vicinu e a tottu
s'intendede da lontanu s'istufadu,
ca su logu in sa lozza mana cagadu
sa culpa la tenede unu connottu.
Drommini siguros in custa ist'azza
da cando sos b'attos ponede a cazza.

Paesanos e sardos fatto... s'appellu.
difendide s'astuzia e pilu de s'attu,
ca sos culumbos mandigada e rattu
e los gustada che petta de masellu.
Bucchinde comente su faltosu a fattu
no dada a sos sardos esempiu bellu.
No fattedas che custu alb'incanidu
culumbos e rattos li tiren su pilu.

Paesanos tottu attenzione faghide,
una mente ingabbiada.....
cherede sos b'attos b'occhire.

Flussio-Bosa 09 gennaio 2008

Bandu de su Sindigu de Iscanu

A tottu s'interu populadu
de su bandu iscultade s'avvisu
su primu cittadinu a decretadu
in su paisu de Iscanu Pisu
s'ottada e sonetto est vietadu.
A tottu sos poetas de paisu
chie s'opera ponede in faina
podede faghene solu in quartina.

Vietadu ada su primu cittadinu
terzinas, anninnias e attitidos
in tottu sas carrelas de s'ighinu.
Proibida sa longarina e muttetos
e intrende comitiva in comasinu
sun vietados gosos cun versetos.
Este ammitidu solu su trintasette
in onore de Piludu cun Morette.

Bosa-Flussio 08 Ottobre 2008

Bellos annos

Su millinoighentos norant'unu
serradu hapo su bar chi tenia.
Annos passados hat unu hat unu
de colare in presse non creia.
Deo presente n'de tenzo unu,
annu noranta mese de sant'Andria.
Annos colados cun faulas rie rie
e tottu silenziososo ascultende hat mie.

Bella gioventude e ispiritu sinceru
in chelu finas, Amigos de tottu
bravos caracteres e fisicu fieru,
deo solu so naschidu drottu,
e cando naro su contu eru
hat mie non creene in tottu.
Riunidos hat denotte rie rie,
Sas Faulas curriana abreschinde hat die.

Coniglios iscavava gallerias hat fiottu.
Corrogas alziaa in chelu albure de fruttu.
Antunnu n'de etada su muru drottu.
Pedidore chi regalada usufruttu.
Piscadore chi a braghettà leada issu e tottu.
Aneddu in natura de acca hat veterinaiu este rutu.
Totoi naraiaa poesias hat tottu,
e hat palte manzanu fudi belle cottu.

Aspetaimis hat Lucianu
e arriviada Nanni Peppe.
Sa serranda de bar, calaimis pianu
e incuminzia deo, Giangiuseppe.
Attaccaimis in beranu
deo e Nanni Peppe,
poi tottu s'annu pianu pianu,
nos alternaimis cun Lucianu.

Faulas e brullas mentuadas
pisciadas de risu e rutas de cadrea.
Gallerias chi arrivava a Magumadas
e polcos chi currene hat sa rea.
Mascios de albeghe faghene istrampadas
20 Corrogas chi hat Cristinedda naran fea.
Cun brulla hat Titinu, de lampadas su mese
hapo passadu dies feas, e tue non mi crese.

Como hat creides hat mie?
Chi cun sos trese mentovados,
biada de riene notte e die?
ca sos atteros accerchiados
funi in dies de frittu e de nie.
Hat bucca abelta pariana cossizzados,

passiada sa notte, e arriviada su die,
chimbanta pessones hat notte, rie rie.

Bindighi annos sun passados
e su bar non b'este piusu
medas si che suni andados
o accumpagnana Gesusu.
Flavio e Mario non mentuados
cun Lucianu, finas issu susu.
unu nende e duos ridinde
gia' los soe inie b'idinde.

Issos funi sempere presentes
rie rie si accomodiana
ca fun liberas sas mentes
e po riere gia' b'eniana
po buffare aspetaian zente
e sas patatas si leiana
toccadu soe da morte issoro
atterra de animu e de coro.

Deus pero' azuada sa zente
alleviada, da susu, sos fastizzos.
gai b'ois si hat mie ponides mente
e sighides a fundu sos cussizzos,
ridide e brullade de frequente
alziendeche animu e chizzos,
ca chie pius brullada e riede
deus lu azuada e lu b'iede.

Flussio 20 dic. 2005

Brulla a Tittinu e dottores

(Trintases fioridu)

Busta ispedo in die feriale a Tittinu
Chi a Roma po rinculu in calada
su collare ada giuttu de continu

orvinde brulla ormai vicinu
s'assicurazione domando a Tittinu.
Issu mi narada tottu cun candore
ca tribagliada meda, cazzende suore.
Ancora indolenzidu a unu inugiu
in Casteddu li visitana conca e tuggiu.
Ca inari meda tempus podere aspettare
gai via e numeru da issu mi fatto dare.

busta ispedo a Tittinu in die feriale
chi a Roma po rinculu in calada
giuttu ada de continu su collare.

Rientro a domo a iscrivere
e leo sa macchina de iscriere
appuntos fatto punindemi a riere.
Cun paberi doppiu de ricalcu
sos foglios ponzo fra rullu a alcu
e iscrinde fatto finta chi deo sie
su chi Tittinu a nadu primma a mie.
Ormai in brulla este ruttu

po rinculu de continu in calada
busta ispedo a Tittinu feriale
chi a Roma su collare ada giuttu

e po sinistru de macchina sena luttu,
rispondo deo po Direzione de su C.A.I.
ispedinde da Casteddu sa littera gai.
Cumpensazione Automobilista Invalidu
este sa sigla da me cun fantasia costruidu,
oggettu: concessione de pensione
cun s'ammentu a Tittinu de mannu buscione.
A tottu issu littera a b'iere dada,

ca continu giuttu ada su collare.
Busta ispedo a Tittinu feriale
po rinculu a Roma in sa calada.

Sos dottores puru lana leggida e istudiada
e mi che ingullene totta s'iscrittura,
sena pensadare a una brulla de natura.
Issu abboghinada a sos duos dottorados
chi giughiada tottu musculos trofizzados
e preparende issos mannu certificadu,
siada immunologicu che atroficu l'an dadu.
Tittinu gai un'astrinta de manu a tottu dada

ca collare giuttu ada de continu .
Ispedo in die feriale busta a Tittinu
po rinculu a Roma in sa calada.

Segretariu e Sindigu leggida puru lada
e issos puru ruene in trappulone
preparana sa prima dichiarazione,
in casu de molte pensione a chie la dana
e custos puru creene a su burlone.
S'attera segunda la faghede s'applicadu
su chi in su ottantases Tittinu a balanzadu.
Deo assora decisu , che cambaru puru

a Tittinu busta ispedo feriale
chi de continu ada giuttu su collare
a Roma in sa calada po rinculu

A Segretariu naro brulla. E issu... ses seguru?
Gai ponzo sa manu in sa busciacca,
copia ogo de littera fatta, macca macca.
Su Segretariu si mustrada incredulu e avvildu
ruggiu tottu po sa fea figura...suerada isfinidu
ca sa littera frimmada fudi puru da s'Auttrice,
Onorata Puliga.....Reggente Direttrice

Busta ispedo in die feriale a Tittinu
Chi a Roma po rinculu in calada
su collare giuttu ada infelice

Bosa-Flussio 13/07/07

Onore e cavaliere e ufficiale

Mallena l'ada partoridu
de austu su vintinoe annu.
issa allevadu e fattu mannu
e zuseppe l'ada bene istroidu.
sa pizzinnia fatta gai ischidu,
sena passare fame in cuss'era,
ca gia' fatta fudi sa caminera
e andiada hat iscola coloridu.

Mallena l'ada partoridu
fudi sestu fizu, de cuss'era dura,
dadu l'ada hat su mundu cun amore.
Coltivendelu comente unu fiore,
intelligente e bravu da criatura.
aumentende de pesu e de istatura
istudiada tottu, sezidu in sa pezza.
Su nonnu ascultendelu hat ora ezza
in s'universidade lu iede finidu.

Mallena l'ada partoridu
issa lu iede in nomina a bolotana,
noragugumene, orune. e macumere.
A Bortigali e Bosa, lu cherian bene,
borore e guspini connottu l'ana.
in sa regione intrea lu rispettana
sindigos cussizeris e assessores,
e cussizende mannos e minores
su tempus terrenu ada sighidu.

Mallena l'ada partoridu
segretariu hat nuoro este andadu
poi cagliari de provincia sighinde,
su prefetto sutta brazzu ridinde
cuntu de mannu dottoradu.
cavaliere e ufficiale nominadu
da sass'ora cossiga presidente.
Titulu dadu hat certa brava zente,
este finas segretariu de paltidu.

Mallena l'ada partoridu
hat macumere da civicu difensore
poberos e riccos tottu azuiada.
Su affannu hat ogn'unu che ogaiada
e faghiada passare su malumore.
Su mundu hat lassadu cun onore,
e alta sa bandela de sardigna
lassendela hat sardos in cunsigna
ca tottu cantos bene l'amos bidu.

Mallena l'ada partoridu.

Bosa – Flussio 18 ottobre 2007

Delusione de Capitanu

Triste die de primmu austu,
Sa notizia in tg tres nada
Sa capitaneria este menzionada,
s'abba salida nos privada custu

No ada furadu, malva o mustu
ma brocca de abba brutta orinada
osselvadu in s'isula ruggia lana
e gai lu denunziana cun gustu.

Mirade chi bada meda sale
po bois chi sezi bambos,
ca sa legge continentale
nos cherides applicare.
Denunziadu l'azis ambos
po imbalzare cun abba de mare.

Ite ilgonza este custa cosa
po abba brutta furada a Bosa,

Giuanne Pinna este accusadu
Po abba de mare chi ca leadu

Bosa 01 Agosto 2007

Gana no tenzo

Gana no tenzo de crescita a intrare
passados mi sun tottu sos brios
gai mi ponzo a pensare sos mios
a zio giovanni e a zio grazianu pregare
e tando cun sas lagrimas a rios
mammento s'insoro frade
famiglia bella e totta unida
sos predis no mentuana... s'issoro vida

Sos duos istimados tios mios
suni ambos in macumere alloggiados.
unu fudi de altos grados
difensore de tottu sos bios
s'atteru invece cun ischina e manos
bombola trazziada cun suore a rios
sempere ammento s'issoro coro
ringraziende los penso e los' onoro

Su predi chi apo in morte de issos intesu
atteru tenede religiosu in assimizzu
nomene no mentuada mancu issu aizzu
eppuru lu pagana po molte... a pesu
sa oghe sua si intendede accalaizzu
este unu predi anzianu macumeresu
intesu lapo in morte de duos tios
frittu, bidu lana sos oggios mios

Si su predi in missa lu devo ascoltare ,
sa preiga in poesia a sa sarda li cossizzo.
no este po lu rimproverare
ma deo puru a preigadore mi assimizzo.
unu padre este istadu a mi lu dare,
ca in seminariu man tentu che fizzu.
tiu predi, in magumadas, tenia in assimizzu
umile dentista, poeta e omine de cossizzu.

Canu Gianbattista battezzadu
ma po tottu connottu fudi nonnu canu.
ex carabinieri, altu, russu, e arrazzadu
sa dente n'de ogaiada a una manu,
vinti annos in magumadas este abbarradu
e inie moltu pili canu.
omine de camasinu istimadu
da anzianios tottu mentovadu.

Naro totta canta, sa giusta veridade
de custa razza de predis operosa
a boltas lis passada cun s'edade
totta sa preiga fatta ispigulosa
su predi giovanu podede mezzorare

a su anzianu malu li diana cudda cosa
issos che nois inoghe suni po missione
mandigana e morini lassende su buscione

Iscusen tottu sos chi neghe no tenen
ca bi n'ada preideros bravos abberu
pagos suni po esser sinceru
ca at prezziòs baltos tottu si enden
terrinos dados da sas animas de chelu
mandigare tottu in mesa si cheren
mi iscusu ancora, domando peldonu
po tottu sos predis de animu onu.

In missa

in missa... sa bara este in mesu
su predi mi abbaidada a cul'oggiu.
antonicu non nominada mancu a tesu,
parede chi che leppada ogadu s'oggiu,
eppuru fudi bravu e flussiesu,
mancari no famosu che peppe soggiu.
No ladru, onestu, e brullanu
pastore che aissu e cristianu

issu a tottu devet ascoltare,
ma designada e narada su chi cheret.
Giuro chi este difficile and'e agatare
tra cuglieri, bosa e macumere.
A s'inbinugiada cherede de abbarrare
e bunnedda culza no podede b'iere.
Po cussu, isconsolada, a santa maria de mare,
calchi paesana a crescita, andada a pregare.

Su predi giovaneddu
in s'altare li piaghede a faeddare,
ma aiss'e tottu devet ammentare
su pagu sale, in mannu calbeddu
tue babbu tinde as' ammentare
sa preiga de custu piseddu.
In missa de babbu, devidu l'apo iscultare,
rughe apo fattu po cantu ad'abbarrare.

Babbu de brullas n'de faghiada caliguna,
ma non pensiat mai,
chi unu pastore n'de li faghiada una.
Cun tonaca, e missale lai lai
preigada da terra a cara a luna,
babbu apo idu in crescita gai.
Custu predi chi deo apo prima intesu
cazzadechelu o mandadechelu a tesu

sa limba issu si isciucada
incutidi a tottu terrore
bi cherede unu difensore
ca issu solu lu abbuccada
invochende sempere su signore
si ruede o attraucada
predi giovanu, cun modos de anzianu
che cazzada da missa ogni cristianu.

Tue invece presuntuosu predi, dammi reta
a niunu incutis paura e ne terrore
ti rispettana sos paesanos sena timore
mancari a issos n'de li fettas
cumpoltadi da cristianu e cun amore
sia po luttu o po sas festas

ca po cantu antonicu fudi in mesu
preiga asa fattu de limbi presu.

Manifestu a babbu

Grazie babbu po mi haere dadu sa vida,
sa cosa pius bella de su mundu.

Grazie po mi haere insegnadu s'onestade,
cun su rispettu umanu pius profundu.

Grazie de sa vida chi mi has dadu
e de umanu insegnamentu.

Grazie babbu de insegnamentu dadu,
iscusa si calchi olta no hapo postu ammentu.

Proroga no has inoltradu e
brullende ti che ses andadu.

Ciao Antonicu orgogliosu so de atie
e tue da susu s'isbaglio curregge hat mie.

Fizu tou

Muntonarzu de Sardigna

Ite istoria et cultura tenese Sardigna
da Cartaginesos fenicios et moros.
Tottu cantos ti tenen in sos coros
po bellesa rara intrea tenes sinsigna.
Gherriana impadronindesi de sos logos
e s'isola intrea an lassadu in cunsigna
su territoriu cun su pasculu naturale
cun cazza e pisca, bellu sole e mare.

Oe invece in Sardigna sos potentes
inventana unu mannu istendardu.
Su duamizaotto de doighi ennarzu,
cunsensu dana certos sardos molentes
e faghene issare una nave muntonarzu.
Da Napoli cun sos militares ischentes
arrivana in portu sardu de casteddu,
po s'ismaltimentu de machiareddu.

Si sinde tiana a pesare sos fenicios
cartaginesos moros e veros sardos,
tian ponnere a bolare sos istendardos
po difendere bellesa e sacrificios.
Invece cumandana falzos e codardos
sa Sardigna offrini po pagos ispiciolos.
S'istoria terra de Sardigna tue chere
salga regionale sardocampana ottenese.

Sardos tottu reagide, como a frearzu
ca a Portuturre, Oristanis e Olbia
arrivana atteras naves muntonarzu.

Bosa 13 Gennaio 2008

Non ti transese in cantina

Sun pius de duos o tres annos
chi viados e trans leana sa fua.
in s'istrada non istana a sa cua
chilchende minores e mannos.

In custa cantina in sos annos
niunu capo idu omine transiadu,
ma in su guvernu de cust'istadu
faghene issos tantos dannos.

A chie giogada culosa maladia
a mie si deve de da tesu accostare,
gai su rimediu poto issos crobare
in custa disizosa cantina mia.

Battideminde mannu calincunu
gai lu poto cun coraggiu sanare,
sa tremesana soe prontu a li dare
po li salvare da fisicu su culu.

Oppuru su cantare po lu pesare,
ca mannu cherede su pilone.
Tenzo in cantina mia deo resone
su foette giutto po lu frustare.

A nadigas s'ispidu li pungo in piusu
e su puntolzu a su caru sou amigu.
in s'albada lu sezzo tottu ispidu
e su fusu de su carru li ponzo susu.

Trippiendelu cun sa cattigadora,
comente deo fatto mustu e b'inu
lu presso a manu in su torinu
e aspetto malannu n'essede fora.

Lu cumbido prima de sa essida
gai cumprendede su meu amore,
cun s'aghedu de montemaggiore
a broccales pienes totta chida.

Pulidu cun aghedu a intro e fora
su ganzu li calo in sa dispedida,
li disinfetto cun aghedu sa ferida.
nendeli culigadu.... notte ona.

Flussio 10/dic /2007

Partida de mondiale

Sa Corea contro sos campiones
deghe lampadas ottantases giogada
de martis in Messicu de sos peones

Sa partida este cuminzada
in domo la fui abbaidende
sos vicinos mi invitana in mirada

isco chie b'este inie tiffende
e po cussu accolgo deo s'invittu
cun d'una brulla che soe intrende

unu fudi tottu afflittu
po s'Italia timerosa cun sa Corea
hat tottu intrana brividos de frittù

saludo hat tottu e mi leo sa cadrea
cuendemi telecumandu de tv mia
ma sezzindemi tra Raf e Andrea

benindemi ingegnosa fantasia
cun telecumandu sutta sa maglietta
n'de li b'occo sa tv e cosi sia

tottu cantos gia' mi dana retta
implechende hat ammanco de tensione
deghe minutos passana aspetta–aspetta

azzendo assora sa televisione
ma comente Altobelli este po tirare
cambio deo de canale hat sa chistione

Raf si cuminzada a unfiare
sas pinnas de su nare lean vigore
prontu este.... po iscoppiare

in chizzu este pienu de suore
paltida no bada po issu pius fea
in faccia ponede ruggiu su colore

cambiada su canale assora Andrea
in sa noa televisione de tiu bobbore
ma Raf si ponede a sa rea

po s'Italia si mustrada su calore
in sa tv naran cada cosa manna
de italica marca este et de valore

issos tottu idinde atteru programma
cun sas ficcas e frastimos
si alziana ponindesi in sa gianna

tottu cantos si toccana sos pilos
diventende sa tv muda in su cummentu
ca in brulla manna sun finidos

no regnada pius paghe in s'apposentu

sa radio a tottu volumene mi azzendene
ma diventada pius mannu su turmentu.

fatto torrare assora su faeddu hat sa tele
ma ca sa radio fudi hat tottu sonu
crebende suni in s'istanzia da su fele

Raf si sezidi torra in su tronu
iscudede sos pese a terra da nervosu
finas da nare bogada sulu e sonu

deo diveltidu e orgogliosu
hat issu fatto sa mia acconcada
telecumandu meu ammustro tottu pomposu

issu mi osselvada et as'arragiolada
mi iscudede hat terra in su pamentu
po paltida chi nudda b'idu hada

ancora deo no isco de paltida su finale
e in zona mi naran tottu cantos
cale fudi sa brulla de su tale

rispondo deo s'Italia giogadu hada cun Corea
in via Nazionale numeru sessantaduos ,
presente fudi GianGiuseppe Raf e Andrea

cun amicizia giogadu hana bene tottos duos
ma niunu n'de tenede de partida s'idea
una manna brulla fattu hapo, in sos congruos

Bosa 10 giugno 2007

10-06-86 Finale Italia-Corea 3-2 reti 18° Altobelli 62° Choi Soon Ho, 73° Altobelli, 82° Cho
kwang Rae, 89° (aut) Huh Jung Moo

Po foste'

Po foste'...tiu Peppinu seriu e risulanu
custa poesia ispedo a maggiu
non este solu un'astru in passaggiu
l'iscio in sardu e no in italianu
e l'attendede... unu lustru viaggiu
ca a mente este cumposta e a manu
ma si riere lu fatto in calchi manera
abbaidede da susu cun mente lizera

Regione Sarda nos cherede affossare
sas fabbricas oe gia sun serrende
bloccadu este tottu da pianu regionale
a tottu cantos che sun cazzende
su governatore este inutile a faeddare
ici e tassa de lussu este pensende
Tiu Peppinu si no ses inoghe residente
Sa domo la pagas in euro dolente

Poberos sardos tribagliadores
po mantenere pittica carena
Fuidos in terra furistera
in logu anzenu cazende suore
tassados sunu sena una pena
lassande sas domos cun tantu amore
Isola nostra fattu conoscere ana
Costa smeralda colonizzadu nos'ana

Sa Regione Sarda este pensende
A su sou patrimoniù
Chilcada s'inari a Montecitoriu
ma s'isula nos'este affunghende
las pensada tottu chei su dimoniù
busciacas suas s'este pienende
non residentes o emigrados a fiottu
tassan sos ruderes e domos a tottu

samunare tepimos a ratas
faccia, corpu, bustu e carena
s'abba puru nos tassada da vena
po recuperare sas malefattas
si no pagamos bes puru sa pena
chiotto o traldu t'indeagatas
a buttiu a buttiu faghen sa proa
sardos punidos da abbanoa

parimos inoghe in d'unu gabbiotto
s'isola totta a malumore
no bastada su caldu e su tepore
isetamos puru su maremotto
passada su tempus sena colore
ma s'Europa nos faghede cappotto

finida sa continuidade territoriale
privada sos sardos finas de olare

Flussio - Bosa 08-05-07

Po Renzo Rosa Iscanesu, Poeta mesu ofesu

Incasso s'iscatulada e l'ischia
ca istadu soe atrividu
sa faccia in Iscanu masa idu
in teatru cun sa sarda poesia.

Ischia chi s'ainu no as b'idu
e ridinde ti toco sa manu
brulla fudi, de me iscrivanu
e provocande ti apo feridu.

Mi dispiaghede si ses ofesu
iscusami tantu de sa mia prosa.
Disizu tenia de intendere a tie Rosa
po custu mi che so..postu in mesu.

Totu mi soe acugudadu,
ca bois poetas seziis ugualis
po difendere, paisos natales
a conca bascia m'aizis pistadu.

Mi piaghede, sa musa de umore
e sa satira mi ponet in allegria.
Iscusami ancora de sa mia poesia,
si fastizu tada fatu o dolore.

Deo como, ti faeddo sinceru
no soe abituadu a cuare manu,
l'isco chi a tie parete istranu
domanda Luisi Ladu si est beru.

Nadu l'apo de bos'avisare
chi biat posta po tot'os duos
versos lanzos cotos e cruos
senza bos'avilire o castigare.

Su contu meu est contu eru
diversos annos suzessu inie
deo brulletende e rie rie
pensia ammentizis, so sinceru.

Nadu apo... iscusade s'intrusione
ma in risposta, m'azis b'entuladu.
In longu e largu soe criticadu,
da una suppa azis fatu unu suppone.

Ma lu nariada puru babbu meu,
surda s'origia a peraulas maccas.
Ogni tantu si segas e attaccas,
unguentu passas poi de ozu seu.

Sigo su cossizu a ora tralda
e morigande cogalzu e tirudda,
sa suppa de azu, patata cun chibudda,
la torro a sos cuocos, ancora calda.

Cun ozu sansu e malu cundimentu,
cun punzos de sale in abbondanza,
fatu azis brou salidu sena sustanza
parene impacos de unguentu.

Una girada a sa suppa este fata
bada peta de ainu puru,
coghinadu male resta duru
parede cussu presu in piata.

Ancora de s'impastu no cumprendo
si biada pasta longa, ortiga e pisu,
isco solu sa cotura de su risu
e de sa ostra poltiglia no mi ofendo.

Da cus'impastu essidu n'este a fora
unu amigu risulanu e colzi tostu
pagu tempus in padedda m'azis postu
de cottura isbagliadu n'azis s'ora.

Fato deo sa manna mea culpa
po totu cussu ch'este istadu,
deo sena profilu e gradu
sego s'ossu, cun peta e pulpa.

Soe piticu poeta iscrivanu,
e madre natura no mada dotadu.
Iscritu apo a Luisi Ladu
e rispostu azis unu brullanu.

torrade a faghene su minestrone
chi deo bos'invito su caffè
e paris cun su sindigu de Lodè
invitamos puru a don Peppone.

Chilcadu apo sa ostra musa
tra Flussio, Bolotana e Iscanu
no trimulo de oghe e ne de manu
si apo isbagliadu, domando iscusu.

Flussio – Bosa 29/09/0

Sa farfalla e s'abe

Ogni die gira gira
parene fizzas de niunu.
Sos fiores leana de mira
no las frimmada perunu.
Issas punghene cun ira
e sos pizzinnos attentos sunu.
Si las'intendene muire
in meda suni po los'occhire.

Sa farfalla este delicada
cun s'abe non bi brullat.
Pungiglione issa h,ada
e su chi suzzada non lu frullat.
Cosa cherede seberada
e in su fiore gia' si cullat.
Bolada issa delicata e forte
pagas dies e agatada morte.

De s'abe gia' ti abbizzas
e no cheres cussizzadu.
Po no ti punghere corpu o chizzas
prestu ti pones accucadu,
ma si issas arrivana a mizzas
lestru-lestru cheres curadu.
Su capotto diventada impotente
su colpus si unfiada, totalmente.

Sa farfalla bellu esemplare
non este senz' amore.
Tottu cherede visitare
e lu faghede da fiore in fiore.
Inie meda ad'achilcare
hat su caldu cazzende suore.
e hat su bocciulu in su fiorire
suzzada nettare prima de pedire.

Morini finas po culpa de progressu
ca sa natura este contaminada.
Issas non tenene interessu
e impollinana tottu cantu bada.
S'omine invece grande fessu,
inquinende, cundanna hat tottu dada.
De velenos mannos issu disponede,
s'abe e sa farfalla a morrere ponede.

Sardigna intrea in agonia

Sardigna intrea in agonia
a chie podede pius cumandare
pius passada sa vida mia
e pius los bio deo furare
isperende chi sanu sia
cando su contu ana torrare
finas sa inza po faghene a b'inu
an vincoladu cun su terrinu

caru Tiu Peppinu si torras terrenu
medas cosas asa nottare
semus che balca in mesemare
a s'approdu de algerinu sena frenu.
Prima o poi nos'anacumandare
sos africanos bennidos a remu
po cumpensare che suni sos cinesos
chi comporan domos e casteddos

ispero solu chi sa limba mia
issos puru la potan faeddare
e da s'Africa a s'Oriente dare
custa istroffa aissos cheria
pudindela gai cummentare
si leggene crasa custa poesia
sarda limba non deve de perire
sa cultura sarda faghide sighire

Caru Tiu semus in fermentu
puru cun s'energia alternativa
poden faghene manna inventiva
ma no cherene mulinos a b'entu
ca naran chi sien fea attrattiva
e deturpana paisos chentu
mancu cuncentrados in situ
ca assimizana a ispinas de erittu

custa bella sardigna mia
de maestrale colpida in b'entu
salvare cherede s'inquinamentu
e deo puru gia bi creia
ma no passada s'argumentu
cheren solu mulinos de olia
caru tiu Peppinu a parere meu
unghene sas palas cun ozu seu

caru tiu de torrare ispera
po cantare da nou a poesia
fra pagu pagamos s'aria
chi trazzada su sambene in vena
de morrere deo gia creia
ma no essere iscazzados in chera

tiu Peppinu si torras a sos logos
terrinu isterile agatas da sos fogos

Flussio-Bosa 08-05-07

S'organetto

In die de atunzu inoltradu
intendo unu sonu melodiosu,
ma chie la causadu
gia' este orgogliosu.
Fattu este da accabadu
e no este hat unu isposu,
ma da pizzinna intonadu
este s' organetto sonadu.

Si ascultas su sonette
sa pizzinna no brullada.
Issa tenet annos sette
e sa conca no li frullat.
Sonat issa allegramente
e si frimmada puru zente.

Hat pilu longu e risulana,
cun oggios maduros ti osselvada.
hat issa parene chi nelzana,
brava pisedda in sa sonada,
ma no ti gires sa cara.
Ogni die este attaccada,
hat s'organetto a bottonera
prommissa parete a carriera.

Grazie Fabiana de lu sonare,
dammi reta e pone mente
sempere tapo a istimolare,
a ponnere allegria a sa zente
e gai puru a lu sonare.
Tue ses po me presente,
fizza manna de ascoltare.
sorganetto da te sonadu gia'ma fattu innamorare.

Fiza cara ,allegramente
cun s'organetto fattu hat tonu,
faghe ballare meda zente.
Cando su tempus este in bonu,
incrementa a sos viventes
sa cultura de custu logu.
E in su seculu presente
annulla cun su sonu, sas' armas de sos potentes.

Bosa 7 ott. 2005

Sorighe cun battu

Unu 'attu bellu chi tenia
in Flussio fudi alloggiadu,
una die este mancadu
leada siguru issu, attera via.

Su vicinu de nois e Maria,
l'ada appidu e ingabbiadu.
Issu narada, l'apo iscapadu,
ma parede chi gai... non sia.

Annos medas, no isco cantos,
chi mandigada s'attu prelibadu,
nende chi logu tottu lan cagadu
inie si pisciana b'attos tantos.

Brullanu e mai imbriagu
e cun s'alba totta incanida,
mandigada s'attu totta chida
de attu li piaghede gustu e fiagu

Suni gai vinti o trinta sos'attos
chi mancana in custu ighinadu
tottu issu s'ada ispuntinadu
lassende solos sorighes fattos

unu marinaiu basciu pensionadu
allevada como mannos rattos
ca mandigadu s'ada sos b'attos
solu cun sos sorighes abbarradu.

cherede como sorighe pius rassu
e mandigare a issu puru, po salassu.

Flussio 18 dic. 2007

Su grodde ladru

Cun babbu pigande hat binza
b'idu amos su grodde canidu.
b'idu l'amos rassu ma ispilidu,
carrigu de sa malosa tinza.

Su grodde nudda intimoridu
si girada a babbu po isfidare,
ma issu lassendelu andare
narada 'bae chi gia t'apo idu'.

Ezzu babbu pius de grodde
sa vida da anzianu la sighida,
pighende a binza cun su fodde.

Issu invece ladru totta vida
a mese sette-otto anzones furiada,
e connottu ada de molte sa finida.

murinde ispilidu assarragiolada
lanzu, isfinidu e avveladu
babbu li donada manna sulferada.

Bosa – Flussio 5 nov. 2007

Summa rerum (potere mannu)

Sonetessa po sa dispedida de unu tirannu

Eccellenzia eccelsu, altu elevadu
in bussacca cuada portas sa rughe
chircos e chizu suerados giughe(s)
de falza bonesa ti ses giubiladu.

In s'apostu chi mas'ospitadu
prummitis meda in mesa de nughe,
sas cosas nadas, no b'iene lughe
finas s'economu l-at osselvadu.

Ogni famiglia tenet una canaglia,
furisteri, famidu, sena peraulas
da inu-enis tue pedra d'iscaglia?

As'ingannadu a mie e sogru meu
cun prummissas e varias faulas
eccelsu falzu, rende contu a Deu .

Preigas: mundu feu.

Venale ies, terras, caltos in misura.
Su fattore che cazzas...ite tristura.

Lassa s'ingullidura.

Magnitudo animi, magna-magna
terrinu donadu, inari e campagna.

Bonu ses in s'intragna.

Ma pourpurea tenes pagu pulida,
deo til'ammento po tota sa vida.

Sa missa est finida.

Narat diciu: Vox Popoli, Vox Dei,
postu ses tue da Deus ...pensabei

Summa rerum (potere grande)

Eccellenza eccelso, alto prelato
in tasca, nascosta tu porti la croce
ascelle e fronte hai tu sudate
di falsa bonta' ti sei giubilato.

Nella stanza che mi hai ospitato
prometti molto sul tavolo di noce
le cose dette, non vedono luce
anche l'economo l'ha osservato.

Ogni famiglia ha una canaglia,
forestiero, affamato, senza parola
da dove vieni tu, pietra scaglia?

Hai ingannato me e suocero mio
con promesse e varie bugie
eccelso falso, rendi conto a Dio.

Predichi: il mondo e' schifezza.
Ma venale vedi, terre, are in misura.
Il fattore cacci via...che tristezza.

Lascia la nefandezza.
Magnitudo animi, magna-magna
terreno donato, soldi e campagna.

Buono sei nell'astuzia.
Ma la tunica tu hai poco pulita,
io te lo ricordo, per tutta la vita.

La messa e' finita.
Dice proverbio: Vox Populi Vox Dei,
pensaci, che messo da Dio, tu sei.

Bosa, 2010

Su sole in Bosa

Issu apparidi da levante
che istella luminosa.
Abreschinde esuberante
s'oggiu ponede issu in posa,
e illughinzada in d'unu istante
illuminende ogni cosa.
Si alziada finas a frittu o nie
po doighis oras ogni die.

Su sero este hat cul'oggiu
hat mala gana hat che calare.
Da sos montes hat su mare,
si riflettidi in su poggiu.
Ma cun mesa abeltura alare,
serrada finas s'atteroggiu.
Cando s'icandada, po dispettu
temperatura abbacada derettu.

Calande in mesu mare
serrada inie ambos oggios.
Isposos de noos coggios
medas suni hat l'ammirare,
faghindesi fotografare
cun issu a battoroggios.
E cun tottu festosa zente
si inabissada a ponente.

Bosa, 09 dic 2006

Tonara su tou paesanu

Tonara su tou paesanu
Narrere meda gia' cheriada
Si fudi abbarradu sanu
S'abba de "Galuse" decantaiada
Eugeniu Unale e Pipia invitiada
prima de "agonia" da umanu
nendela crua e punindela cotta
da onu "socialista a una bigotta".

a perunu visciu s'este dadu
no ladru o giustisceri
Intradu gai fudi carabinieri
e da inie malaidu cungedadu
leadu in Comune po iscrivanu
sena diploma o dottoradu
fizu de duttore proprietariu
ma umile poeta planetariu

sa musa de tiu Peppinu
apo sempere ammiradu
legginde a liberu in manu
in mare , monte o cun tazza de inu
da pizzinnu iscolanu
s'intrada de issu in su casinu
e cumpresu apo in pizzinnia
in limba sarda, sa sifilide maladia

Satta Montanaru e Mereu
bene fattu ana sa tribide
sa Saldigna ana postu sutta pibere
difendinde sa limba cun su recreu
s'amigu de dottor Sulis ,amos a biere
iscrinde in versos Nanneddu meu
e poi faghene "su minestrone" a manu
cun "sa teracca mia" "a signor tanu"

Tonaresos orgogliosos
paesanu ostru in versos
de ingiustizia e limba ada trattadu
profundos ,liberos e sustanziosos
in "amore" tottu a pensadu
unu usignolu in sos "turmentos"
a s'umile "ambulante Tonaresu"
e a ilbarradu de cannaculos in "su Tianesu"
discursu a palte meritada "anima niedda"
unu ispiligambas venale
ispilire susu li potana sa conchedda
e sutana su dimoniu bruciare
gira-gira istede sena paghe
po posca finire brusciadu in sa furredda

sos ossos mandigare potada su serrone
torrende su furadu a bucones de turrone

Flussio-Bosa 08-05-07